

Torlukkut kræfteqarneq



Imarisai



Saqquummersitsisoq: Neriuffit Kattuffiat • 2012

Ilusaa siulleq, naqiternera siulleq

Ilioqqasaasoq: Nuisi grafik

Assit: Johanne Olsen

Quppersakkamit uuminnga nutsigaq: Kræft i struben

Nutserisoq: Else Noahsen Olsen

Kukkunersiusoq: Johanne Olsen

- 2** Aallaqqaasiut
- 3** Torlukkut kræftip malunniutai qanoq ittuuppat?
- 4** Qanoq misissuisoqassava?
- 6** Qanoq napparsimatigaanga?
- 8** Katsorsaariaatsit qanoq ittuuppat?
- 12** Torloqarnanga qanoq iliortassaanga (marloriaammik laryngectomyeqarlunga)?
- 14** Katsorsaariaatsinik allanik peqarpa?
- 16** Katsorsartinneq naammassippat qanoq pissaanga?
- 17** Ajorunnaarsinnaavunga?
- 18** Kræftimi peerneqarsinnaanngippat?
- 19** Sooruna toqqusaakkut kræfteqalersoqartartoq?
- 20** Nammineerlunga qanoq iliorsinnaavunga?
- 22** Suut allat aamma atuarsinnaavakka?
- 23** Sumi siunnersorneqarnissannik ikiorneqarsinnaavunga?
- 25** Torluk

Aallaqqaasiut

Kræftimik nappaatip suussusersinera inunnut amerlanernut tupannartumik kinguneqartarpooq. Qisuariaatsit assigiinngitsorujussuupput. Amerlasuut annilanganerujussuarmik tикинneqartarpooq, immaqalu nappaammik toqqute-qarnissartik eqqarsaatigilertarlugu. Nappaatip suussusersinera inuit ilaannut iliuuseqarnissamik sapilersitsisarpoq, tassani pissutaasarpoq suut tamarmik tassanngaannaq siumut takuneqarsinnaannngitsutut aamma ingasappallaartutut misinnartarmata. Allat nappaammik qaangerniarnissaanut katsorsaneqarnissaminnullu pilersaarusrorlutik aallartittarput.


Torlukkut kræfti nappaataavoq imaannaanngitsoq. Katsorsaanerulli pitsaunerulersinnejarnissaa anguniarlugu ilisimatusarnikkut misissuisoqartuarpoq. Aamma katsorsarnejqarsinnaannngitsumik nappaateqartunut kræftimillu ataavartumik nappaateqartunut.

Una atuagaaraq torlukkut kræfteqarnerit assigiinngitsut pillugit apeq-qutigineqarsinnaasut akissutaannik imaqarpoq.

Aamma tessani sumi siunnersorneqarsinnaaneq allanullu ilittut nappaateqartunut attaveqarsinnaanerit atuarsinnaavat.

Nappaatit atugaaneri assigiinngillat, taamaattumik nappaatit pillugu apeqquteqarfigisinnaasatit tassaapput nakorsat peqqissaasullu ilinnik katsorsaasut, taakku nappaativit qanoq ittuuneranik akissuteqarfigilluarnerusinnaavaatsit.

Juni 2008



Torlukkut kræftip malunniutai qanoq ittuuppat?

Nappaat nipiliummiissimappat, siullertut iggiarlunneq malunniutaasarloq. Torlukkut kræfteqalersimasut affaat sinnerlugit malunniutigisarpaat iggiarlulerneq. Torlukkut kræfteqalernermi iiisiniarmermi ajornakusoortitsineq, annerisaqarneq, imaluunniit qinngarnartumik ippigisaqarneq qungatsimi malunniutaasinnaasarput. Annernartut siutip illuatunaangut atasinnaasarput. Malunniutaasinnaasut allat quersornerusinnaapput, "qungatsimilu suminermik" peqartutut malugisimasaqarsinnaallutik, imaluunniit anersaortnermi ajornartorsiuteqarlutik.

Kræfti suaniippa?

Napparsimasuni amerlanerni (55-60 procentit) nipiluutaanni inissisimasarloq.

Napparsimasut pingasut missaannikkaangata pingajuanni nipiliutip qulaani aallartittarpoq (40 procentit missaanni). Qaqutigoorpoq nipiliutip ataani aallartittarluni.

Nappaat nipiliutiniippat, taava imerajuup qinersiinut siaruannissaata aarlerinaataa annikinnerusarloq, nipiliuitit qulaani ataaniluunniit inissisimanani. Tamanna ilaatigut pissuteqarpoq nipiliutini imerajuup taqaqanngingajavilluinnarnera. Kræftimi imerajuup taqaasigoorluni siaruattarmat. Nipiliuumminni kræfteqalersunut iluaqutaasarloq amerlanerit iggiarlulernertik pissutigalugu nakorsiapallattarnerat. Kræftip tinunera nipiliutip qulaaniik-kuni ataaniikkuniluunniit, taava paasinissaanut piffissaq sivisunerusoq atoreerlugu aatsaat nappaat pasitsannarsisarmat.

Qanoq misissuisoqassava?

Nappaatip suussusersinnginnerani misissortinnerit arlallit ingerlattariaqarput.


Siutip-qinngap-qungatsillu nakorsaani immikkut ilisimasalimmi misissui-neq ingerlanneqassaaq.

Qungatsip misissornera

Siullermik nakorsap qungatsit maluginiassavaa, tassani imerajuup qinersii pullattoqarnersut, immaqalu aamma torluvit iluatungaata ilaa tarrarsuum-mik misissussallugu. Nakorsap tarrarsuut atorlugu takusinnaava tinuneqar-nersoq, ikeqarnersoq, imaluunniit nipiliutinni eqqaaniluunniit allanik allan-ngortoqarsimanersoq.

Qinngut atorlugu misissuineq

Qingut atorlugu misissuisoqassaaq. Qinngut amitsunnguaq qinngakkoortil-lugu ammut torlut alakkartersinnaassavaa.



Qinngut atorlugu misissuinermi
nakorsap qinngooq torlulu
takusinnaavaa.



Misissugassamik peersineq aamma tarrarsuilluni misissuineq

Misissugassamik peersivigitissaatit (biopsi). Taanna qinngut atorlugu misissuinerlik ingerlanneqakkajuttarpoq. Ilaatigut timip ilaannaata qeritinneratigut misissuineq ingerlanneqartarpoq, allatigullu ilisimajunnaarsitsinikkut ingerlanneqartarluni. Misissugassatut piigaq allisitsiummi misissorneqartarpoq, tassani kræftip sananeqataanik ersittoqarnersoq takuniarlugu.

Taassuma saniatigut sakissakkut tarrorsorneqassaatit, takuniarlugu kræfti siaruaassimanersoq.

Misissuinerit allat

Napparsimasorpassuit CT imaluunniit MR-scanneri atorlugu misissortittarput, ilaatigut tusarnaarut aamma qungatsinnut atorneqarsinaassaaq.

Qanoq napparsimatigaanga?

Ajorunnaarnissannut periarfissat nalilorsorniarlugit aamma katsorsartinnerpit pitsaanerpaamik ingerlanissa anguniarlugu nappaativit sumut killissimana nakorsat ilisimasariaqarpaat. Nakorsat kræfti torlunniittooq sisamanik killifflerlugu aggornilersussavaat, tassani nappaat siaruarsimanersoq takuniarlugu.

Nappaatip aggornilersorneri

Killiffimmi T1-imi nappaat kræfti nipiliummiittooq. Killiffimmi tassani nappaat nipiliuutip illuatungaannaaniittooq, imaluunniit nipiliumummi illugiinniittooq, taamalu nipiliuutit akornuteqarifik aalasinnaasut. Killiffik T4-mi nappaat torlummi nataqqunut siaruaassimasoq, imaluunniit torluup silataani ipiutaasanut siaruaassimasoq. T2 aamma T3 taakku qulliit akornanni inissisimasoq. Tassani kræftimik nappaat nipiliuutit nukiinut naasimasoq, taamalu aalasinnaajunnaarlutik. Aalasinnaanerata annertussusaa tinuneq T2-miinnersoq, imaluunniit T3-miinnersoq tassani aaliangiisuusarpoq.

Torlukkut kræfteqarnermi Killiffinnik aggornilersuineq nipiliuutip qulaani ataanieluunniit aggornilersuinerup assinganik peqarpoq.



Killiffit taakku sisamat TNM-imi immikkoortiterinermi aallaaviupput, taakkulu kræftimik nappaatit killiffiinut aggornilersuinermi atorneqartarpuit. TNM-imi naqinneq T isumaqarpoq tumor (tinuneq). T-ip kingornani kisitsisip takutittarpaa tinunerup qanoq atsiginera. Naqinneq N isumaqarpoq 'nodes' (imerajuup sorujuarneqartarfii). N-ip kingornani kisitsisip takutittarpaa nappaat imerajuup sorujuarneqartarfiiinut siaruaassimamanersoq. Naqinneq M isumaqarpoq 'metastaser' (timimi allamut siaruaattoq).

TNM-imi immikkoortiterinermi naalisaatit

T1: Nappaat kræfti torluup ilaannaani inissisimasoq:

- Kræfti nappaat nipiliutip illuatungaannaaniittooq, imaluunniit nipiliuum-mi illugiinniittooq, taamalu nipiliutit akornuteqaratik aalasinnaasut.
- Kræfti nipiliuutit qulaaniittut.
- Kræfti nipiliuutit ataaniittut.

T2: Kræfti torlummi sumiiffimmi ataasiinnanngitsumut siaruaattoq, imaluunniit aamma nipiliutip illuatungaata aalanera annikillisoq, illugiillutilluunniit.

T3: Kræfti torlummi ataasiinnanngitsumut siaruaannerulersimasoq, sulili toqqusaanuinnaq anngussimasoq.

T4: Kræfti torlummi nataqqukkoorluni naasoq, ipiutaasanullu allanut, imaluunniit torluup qulaanut ataanulluunniit naasoq, ipiutaasanut/timillu pisataanut allanut naasoq.

NO: Imerajuup sorujiarneqartarfianut siaruaassimannngitsoq.

N1: Imerajuup sorujiarneqartarfianut ataatsimut annerpaamik 3 cm-terinik diamitterinik siaruaanneq.

N2: Naanerup nalaanitulli imerajuup sorujiarneqartarfianut ataatsimut 3-cm-terinik angullugit angissusilik kisianni 6-cm diamitteritut angissu-limmik siaruaanneq imaluunniit illugiinnut 6 cm-terit ataallugit angissu-silinnik siaruaattut. Imaluunniit imerajuup sorujiarneqartarfianut ataatsimut arlalinnulluunniit naaneq, imaluunniit imerajuup sorujiarneqartarfianut illugiinnut paarlargasunilluunniit tamarmik 6-cm diamitterinit miki-nerullutik.

N3: Imerajuup sorujiarneqartarfianut ataatsimut arlalinnulluunniit minner-paamik ataaseq 6-cm-terit diamitteri angullugu angissusilimmik siaruaan-neqartoq. Imaluunniit imerajuup sorujiarneqartarfianut illugiinnut 6 cm-terit ataallugit angissusilinnik tinunerit siaruaattut.

M0: Timip ilaanut allamut siaruaattoqarsimangnilaq.

M1: Timip ilaanut allamut siaruaattoqarsimavog.



Katsorsaariaatsit qanoq ittuuppat?

Katsorsaanerup siunertaraa kræftip tinunerata peerneqarnissaa aamma ajornanngippat torluup pigiinnarneqarnissaa, taamatullu nipip. Taamaammat siullermik qinngortartillutit katsorsarneqarnissannik neqeroorfigineqassaatit. Taanna katsorsaariaaseq iluaquutasartorujussuuvoq, tassanilu napparsimaut quiliugaangata arfineq pingasut sinnerlugit ajorunnaartarput. Taamaammat amerlanerit torlumik aamma nipimik pigiinnarnissaat angusarpaat.

Nappaammi killifimmi siusissumi paasineqartut tamangajammik qinngortartinnarlutik katsorsartinnermi ajorunnaarsinnaasarput. Qinngortaalluni katsorsaanerup kræfti peersinnaanngippagu, taava pilattaanissaq pisiaqalersinnaavoq.

Qinngortaalluni katsorsaaneq

Qinngortartilluni katsorsarneqarnermi kræftip sananeqaatai aserorterneqartarput. Qinngortaammik nutaalialasumik ipiutaasaq ajortoq eqqoqqissaarlugu qinngortasoqartarpooq. Taamaattumik qinngornerit tinunermi sananeqaatit ajortut kisiisa qinngortarsinnaavaat, sananeqaatit ajunngitsut pivalilaarnagit. Taamaalilluni sananeqaatinik ajunngitsunik akornusiilluni sunniateqartitsisinnaaneq sapinngisamik annikitsuararsuanngortinneqartarpooq. Sapaatit akunnerini tallimani arfinilinniluunniit sapaatit akunneranut arfinileriarlutit qinngortartittasaatit.

Qinngortartinneq annernartoqarneq ajorpoq, qinngortartinnerillu tamarmik minutcialunnguani pisarlutik.

Qinngortartilluni katsorsartinnermi saniatigut sunniutaasartut

Annertussutsit annikitsunnguakkuutaat arlaleriarlugit qinngortartillutit katsorsarneqassaatit, taamaalilluni saniatigut sunniutaasartut ikinnerusarmata. Qinngortartinnerup qanoq misigineqartarnera, aammalu saniatigut sunniutaasartut qanoq tiguneqartarneri assigiinngitsorujussuusarpuit.

Ippigisaqalernissaq piareersimaffigineqartariaqarpoq. Piffissaq sivikkinerusoq isigalugu, tassani qungatsikkut qinngortartereerermi qungatsip ameraasaa qinngarnarsisinaavoq. Annernarlunilu qasilissinnaavoq, aamma pullattoqalersinnaalluni, immaqalu qungatsimi qalipperneqalerluni. Malunniutit taakku iisiniarnermi ajornartorsiutinik malitseqartarput, taamalu amerlasuut nerinikillineranik kinguneqartarluni, sanigortoqartarlunilu. Qinngortakkami ameq aappillertarpoq, kingornatigullu kajortilluni. Ilaat qasulertarput, imalunniit merianngulerlutik, taamaammat merianngunaveersaatinik iisartaqaraanni iluaquatasassaaq.

Saniatigut sunniutaasartut nuanniilliutit qaangiuteqqitarput – qinngortartinnerup kingulliup naammassinerata kingorna, sapaatit akunnerisa ikit-tunnguit iluanni.

Torlukkut kræfteqarnermi qinngortartilluni katsorsarneqarnerup kingunerluutai

Piffissami sivisunerusumi qinngortartilluni katsorsaanermi qinngornerit ameraasat panertissinnaavaat. Kingunerluutit allat iggiarlunnerupput, aamma ameraasani ataavartumik pullanneq. Kingunerluututini apeqquataasarpooq qanoq annertutigisumik sumilu qinngortaasoqarsimanersoq. Napparsimasor-passuit kingunerluutigisarpaat qanermi qungatsimilu panertoornerit, pissutigalugu qanermi qisissiorfiup qinngortartilluni katsorsartinneq saperamikku.

Alleqquut qinngortarneqarsimappata kigutinnik ajornartorsiuteqaler-nissannut annertunerusumik aarlerinaateqarnerulissaatit, assersuutigalugu kigutinni putoqalernerit, kigutillu napisalersinnaaneri. Qaqutigoorpoq qinngortartinnerup kingunerisaanik alleqquut saarngi aserorneqartarmata – taamaalineq annernartorujussuusinnaavoq.

Ameq misikkarissorujussuusinnaasarpooq, pingaartumik katsorsartinnermi ukioq siulleq, aamma seqinertippallaannginnissaq piffissami tassani innersuussutigineqarpoq. Aamma amermi imermik katersuuttoqalersinnaavoq, taamalu pullalerluni. Pullanneq sivisuneq ajorpoq, iluarseqqittarlunilu. Piffissaq sivisunerusoq isigalugu qungatsikkut qinngortartiffigisami qileroqalertoqarsinnaavoq, ipiutaasallu manngernerulerteranik kinguneqarluni.

Qinngortartilluni katsorsarneqarnermi, nakorsaatinik katsorsarneqarnermik ataatsikkoortitsineq

Ilisimatusarnerit nutaajunerusut takutereerpaat, napparsimasut kræftip tinunerinik angisuunik peqartut iluaqtigisaraat kemortinnerminni qinngortartitgalutik katsorsartittarneq. Nakorsaatinik katsorsartittoqartarpoq, taakkulu qinngortartinnerup sunniutai pitsaanerulersittarpaat. Kemortinneq nakorsaatit atorlugit katsorsaaneruvooq, kemollu kræftip sananeqaataasa ilusinikkiartornissaat iluarsaannissaallu sanngiilisissinnaallugit. Nakorsaatinik katsorsaaneq qinngortaalluni katsorsaanerup nalaani tunniunneqartarpoq.

Pilattaaneq

Qinngortartillutit katsorsarneqarnerpit nappaatit ajorunnaarsinngippagu, aamma nappaatit uteqqippat, taava pilatsissaatit.

Ilaanni nipiliutip aappaa kisiat peerlugu naammattarpoq. Nipit iggiarluissaaq, kisianni nalinginnaasumik anersaartorsinnaallutilu nerisinnaassaatit. Piffissap ingerlanerani akuttunngitsunik torlunni ameraasavit nipiliutit assiliniaraluartassavaa.

Taamaammat nipit piffissap sivikitsup qaangiunnerani pitsanngoriartussaaq.

Napparsimasut ilaasa torlummik ilaa pilatsinnikkut peersittarpaat. Aamma toqqusaaq tamakkerlugu peerneqarnissaa pisariaqarsinnaasarpooq, tassani kræftip sananeqaatai tamakkerlugit peerneqarnissaat qulakteerniarlugu. Pilattaaneq taaneqartarpoq laryngektomi marloriaammik.

Nappaat qungatsimi imerajuup qinersiinut siaruaassimappat, aammalu siaruaanneq qinngortaanermi katsorsarneqarsimanngippat – taava imerajuup qinersii pilattaanikkut peerneqarsinnaapput.

Sulisut ilinnik katsorsaasut oqaloqatigikkit

Qinngortartissaguit kemortissaguilluunniit qanoq iliornikkut saniatigut sunniutaasartut annikillisinniarsinnaanerannut tunngasunik sulisut siunnersuillutilu ajoqersuussinnaavaatsit.



Pilatsereernermi

Toqqaak peerneqarsimappat, taava nakorsap qungatsivit saavatigut tunersuit qulinnguatigut torluk ingerlatissavaa. Taamaalilluni qungatsinni putuaraqlisaaq, tassuunalu anersaartortassaait. Ammaneq taaneqartarpooq Stoma, isumaqarlunilu ammaneq. Nalinginnaasumik nerisinnasaatit imer-sinnaallutillu.

Napparsimasut amerlanerit pilatsereernerminni kapuummik taaneqartartumik qungatsimi ammanermut ikkussivigineqartarpooq. Aallaqqaammut kapuutip ammanerup ammaannarnissaa isumagisarpaa, kingusinnerusuk-kullu amerlasuut kapuutip atornissaa pisariaaruttarpaat. Ataasiakkaalli atu-innalersarpaat.

Pujorttaruit pitsaanerussaaq pujortarunnaaruit, pissutigalugu pujorttarnerup katsorsaanerup sunniutai annikillisittarmagit. Saniatigut sunniutaasartut pujorttarnermi annertunerulersarpooq.

Aamma kingusissumi saniatigut sunniutaasartut katsorsarere-nermi qaammatit arlallit qaangiukkaangata takkussinnaasarpooq.

Torloqarnanga qanoq iliortassaanga (marloriaammik laryngectomeeqarlunga)?

Pilatsissaguit pilatsinnginninni nakorsap torluit peernissaa pillugu, qanorlu issa-nersoq oqaloqatigeqqaassavaatit. Aamma siunnersuisartumik oqaloqateqarsin-naavutit, taannalu aamma torloqanngilaq, misilittakkaminillu aamma ikiorsin-naallutit. Aamma illit Dansk Landsforening for Laryngectomerede (DLFL)-imi ikiorneqarlutillu siunnersorneqarsinnaavutit. Takuuk qupperneq 24.

Silaannaq nillertoq panertoq

Torlut tamaat peerneqassappat, taava qungatsinni ammanikkut anersaartor-tassaaitit. Imaappoq, illit silaannaq nillertoq panertorlu ammanikkut toqqaan-nartumik isaatittassagakku, taannalu nualiorluni qisuarlartarneratigut iluaqu-tigisassavat. Nuak quersorluni kaanggartikkuminaassisinnaasassaaq, aammalu ammanerup salikulanissaq pisariaqartassalluni. Silaannaq isugutser-sartassavat nakkartitsivik ammanerup saavanut pisillugu.

Oqalussinnaanermut piginnaasaq

Toqqusaak nipiliuutilik peersikkukku siornatigutut oqalussinnaajunnaassaaitit. Taamaakkaluartoq oqaluttaleqqinnissat ilikkarsinnaavat, kisianni allatut iliorlu-tit. Ilaasa “nerisat aqquaasigut” oqalunneq atorsinnaalertarpaat. Nipi sungi-usarneq naammagittarnerlu atorlugit anguniartariaqarpoq. Nipi allanngorpoq, salaanneruvoq, qatitunerullunilu, qarsarikkunnaamillunilu. Oqallorissaasumit ikorneqarsinnaavutit imaluunniit nunap oqalunnermut institutiani. Allat oqalun-neq ilinniarsinnaavaat torlummik sajukulaartitsisoq ikorsiullugu. Taanna innaal-lagissamik nipimik tunisisarpoq qungatsip tungaanut tigummineqartartoq, tassanngaanniillu nipi qarnup iluanut pilersinneqartarluni. Nipi ataasiinnaavoq assigiiginnarmik aniatitsisoq, taassuma saniatigut assavit appaanik sajukulaar-titsisoq oqalunniini qungatsivit tungaanut pisillugu tigummissavat.

Marloriaammik laryngectomeertut torluup nerisallu aqquaata akornannut oqalunnermut ventilimik pilerneqartarpuit. Taassuma puannit silaannaq atorlugu nipimik pilersitsisinnaaneq ajornarunnaarsittarpaa. Oqalunnermut ventilip sivi-sunerusumik oqaseqatigiinnik oqalussinnaaneq pilersittarpaa, aamma assigiaa-ginnangitsumik nipeqartitsisinnaalluni. Taamaatut oqalunniaruit, taava oqalun-nini inussannik ammaneq qungatsinniittooq toorsimassavat.



Amerlanerit pitsaasumik atorluarneqarsinnaasumillu oqalussinnaasarput, taannali pilatsinngikkallarninnit allaaneruvoq.

Mamassutsinik naamasanillu sunnerneqarneq

Mamassutsinut malugissut pilatsinnermi sunnerneqarneq ajorpoq, kisianni naamasannut malugissutit sunnerneqassaaq, tassani pissutaavoq qinngak-kut silaannarmik ingerlaartoqarunnaanera.

www.cancer.dk/strubekraeft aamma takuuk



Katsorsaariaatsinik allanik peqarpa?

Misileraalluni katsorsaaneq

Misileraalluni katsorsaaneq ilisimatuussutikkut katsorsaariaatsimut nutaamut misissuineruvoq, sunniutigisartagaali naqqa tikillugu suli iluamik paasineqangillat. Assersutigalugu nakorsaat nutaap akuersissutigineqannginnerani napparsimasunut nammineerlutik peqataarusuttunut misilittaatigineqaaqrarpoq.

Nalinginnaasumik maleruagassaqanngilaq kina katsorsaanikkut misileraanermut akuersaasanersoq. Ilaatigut kræftip qanoq ittuunera aallaavigineqartarpooq aamma nappaatip suussusersinirnerata nalaani katsorsaasoqassanersoq, imaluunniit kræfteqaaqqilernermi katsorsaanissaq aallartinneqassanersoq. Aamma apeqqutaatinneqartarpooq tinunerup qanoq atsiginera siaruassimaneralu. Aamma apeqqutaasarpoq siusinnerusukkut katsorsarneqarsima-neq.

Misileraalluni katsorsaanermi aalajangersimasumik pilersaarusiortoqartarpooq (allattaaveqarluni) napparsimasut qanoq amerlatigisut katsorsartissannersut, qanorlu katsorsaaneq sivisutigissanersoq il.il.

Atuagaaqqami "**Kliniske forsøg**" (nakorsaaserinermi misilittaanerit) atuakkit aamma takuuk www.cancer.dk/forsoeg 

Misileraalluni katsorsaaneq

Misileraalluni katsorsaaneq katsorsaaneruvoq suli misileraaffigineqanngitsoq imaluunniit suli iluamik uppernarsineqanngitsoq. Katsorsaanermi qaqtiguinniq allattaavilersortoqartarpooq, aamma inunnut katsorsarneqarnissamat peri-arfeerutivissimasunut atortinneqartarluni. Siunertarineqarpoq kræftimik napparsimasut inuunerminnillu navianartorsiortut piviusoq aallaavigalugu sapinngisamik ajunnginnerpaamik katsorsarneqarnissaat.

Misileraalluni katsorsaaneq kræfteqartunut immikkoortortaqarfimmi an-nertuumik immikkut ilisimasaqartuni aammalu ilisimatusarnermut immikkoortortaqarfinnut attuumassuteqartuni ingerlanneqartarpooq. Peqqinnissaqarfimmi nakorsap peqqinnissamat qullersaqarfik aqqutigalugu napparsimasut katsorsartinnissamat tassunga innersuussutigisarpai. Suliamullu paasisimasaqartunut ataatsimiitaliap peqqinnissamat qullersaqarfik misileraalluni katsorsaanissaq pillugu siunnersuuteqarfigisarlugu.



www.cancer.dk/eksperimentel (misileraaneq) aamma

Østdanmarkimi kræftip immikkoortortaqarfisa peqatigiiffianni
takuuk (SKA) www.skacd.org



Periaatsit ilisimatusarnikkut akuerisaangitsut atorlugit katsorsaaneq

Periaatsit ilisimatusarnikkut akuerisaangitsut atorlugit katsorsaaneq katsorsaariaasiuvoq peqqinnissaqarfinni nakorsat nalinginnaasumik neqeroorutigineq ajugaat. Innersuussutigineqarsinnaanngilaq katsorsaanissamut neqeroorutit akuerisaasuttaaq naaggaarnissaat. Kisianni illit nammineerlutit neqeroorummik allamik ilassuteqarnissannik toqqaasinnaavutit. Maluginiartariaqarpalli periaatsit ilisimatusarnikkut akuerisaangitsut atorlugit katsorsaanermi qaqtigunnaq iluatsittoqartarmat, taamaattumik iluaqtissartaa-nik saniatigullu sunniutaasartunik qulakkeerlugu ilisimannittoqanngimmat aamma ilisimasariaqpat.

Periaatsit ilisimatusarnikkut akuerisaangitsut ilaasa peqqinnissaqarfimmi katsorsartinnerit sunnersinnaavaat. Taamaattumik nakorsavit tunniusaa-nit allaanerusumik katsorsarneqaleruit nakorsarisavit oqaloqatiginis-saa pingaaruteqarpoq.

www.cancer.dk/alternativ (qinigassaq alla)



Katsorsartinneq naammassippat qanoq pissaanga?

Nalinginnaasuuvooq katsorsartereernerpit kingorna nukillaangaguit qasusu-tullu misigismallutit. Napparsimasorpassuit tamatuma saniatigut kinguner-luuteqartarput, tamannalu inuunerminni sungiuniartussaavaat. Katsorsar-tinnikut ilaasa nuna kaajallallugu kræfti pillugu siunnersuisartut ikuiniarne-rat tapersersuinerallu atoraangamikku iluaqutigisartorujussuuat aamma Pi-ginnaanngorsaqittarfiup Dallund-ip neqeroorutai. Takuuk qupp. 24.

Nakkutiginninneq

Katsorsartinnerpit naammassineraniit immikkoortortaqaqrifimmi katsorsarf-i-gisanni akuttungitsunik nakkutigisaallutit misissortittassaatit. Katsorsar-tinnerpit naammassineraniit ukiuni tallimani malittarineqassaatit. Nakkutigi-neqarninni qinngutit atorlugit misissortittassaatit, ilaannilu scannertittassal-lutit.

Kræfteqaleqqinnissamut annilaanganeq

Katsorsartinnerit naammassimmat taava ima paasineqassanngilaq illit kræft-imik napparsimasutut imaluunniit ilaquaasutut nappaat puigorluinnassagit inuunerillu siornatigut inuunerisimasattut ingerlateqqissinnaallugu. Kræfti-mik napparsimanikut kræfteqaleqqinnissaminnut annilaangassuteqartartut amerlapput, timimillu qanoq innera eqqummaariffiginerulerterlugu.

Illit aamma taamatut annilaangassuteqaruit, immaqa iluaqutaasinnaas-saaq nakorsarisat ernumanerit pillugu oqaloqatigigukku. Kræfteqarlutik nap-parsimanikut misilittagaat aamma iluaqutigisinnavaatit. Kræftimut akiuiniar-tut attaveqarnissannut ikiorsinnaavaatsit, assersuutigalugu qungatsimikkut aamma qarnup iluani kræfteqarlutik napparsimasut attaviinut.



Pujortartaruit kræfteqaleqqinnissamut aarlerinaat pujortarun-naarnikkut annikillisissinnaavat. Aamma pinaveersaartitsinertut atorsinnaasarpoq imigassamik killiliisinnasaarnissaq, tassalu peqqinnissamut qullersaqarfiup qanoq annertutigisumik imer-tarnissamik killiliussaa malikkukku. Siunnersorneqarnissat ilit-sorsorneqarnissallu pisariaqartikkukkit nakorsat oqaloqatigiuk.

Ajorunnaarsinnaavunga?

Kræfteqalersimanermik kalerrinneqarneq amerlanerit tupassutigisarpaat. Amerlasuut toquunissartik ingerlaannaq eqqarsaatigeqqaartarpaat. Torlukkut kræfti nappaataavoq sualuttoq, aamma nappaativit qanoq pinissaanik siullertut apeqquaavoq qanoq siusitsigisumi nappaativit suussusersineqarnera, taamalu katsorsartillutit, aammalu kræfti tamarmi peerneqarsinnaanersoq.

Nappaativit killiffia ajorunnaarnissat qanoq periarfissaqarnersoq takutissinnaavaa. Torlukkut kræfteqarlutik napparsimasut siunissami qanoq iliorsinnaanerannik tunngasut ataani atuarsinnaavatit. Pingaaruteqarpooq eqqaa-massallugu nalunaarsusuisorneq illit qanoq inninnik naliliisuuungimmat.

Nalunaarsusuisorneq qanoq oqariartuuteqarpa?

Kræftimik napaatit katsorsarnejnarernnit inernerit ingerlaavartumik allattorneqartarput. Allattuineq aallaavigalugu nalunaarsusuisornerit suliarine-qartarput, tassani nappaativ uteqqinnissaanut aarlerinaatit allattorneqartar-lutik. Nalunaarsusuisornermi aamma allattorneqartarput kræftimik napparsi-masut nappaammik suussusersineqarnerata kingorna agguaqatigiissillugu qanoq sivisutigisumik inuusarnersut.

Nalunaarsusuisornermi inuit arlallit pineqarpot – inuit ataasiakkaat tassa-ni pineqarnatik. Kræftip ineriartornera napparsimasumiit napparsimasumut assigilinnek ajorpoq. Taamaammat siumut ilisimaneqarsinnaaneq ajorpoq, torlukkut kræfteqarluni napparsimasup ataatsip nappaataa qanoq ingerlas-sanersoq. Nappaativit killiffia, qassunik ukioqarnersutit, arnaanersutit angutaanersutilluunniit, allanik nappaateqarnersutit, inooriaatsivit qanoq ittuu-nera, timikkut qanoq innerit, taakku aallaavigalugit nappaativ qanoq pinis-saanik missiliusoqartapoq.

Nappaativit qanoq pinissaata missiliornera nakorsannut apeqqtigisinnaavat, kisianni nakorsavit qularnaatsumik akissuteqarnissaa ilmagissangilat.

Torlummikkut kræfteqarlutik napparsimasunut missiliuineq pillugu paa-sisaqarnerorusukkuit, taava kræftimut akiuiniartut nittartagaani nalunaarsusuisornerit nassaarisinnaavatit.

Kræftimi peerneqarsinnaanngippat?

Torlukkut kræfit ajorunnaarsinnaajuaannarneq ajorpoq. Taamaattoqarpallu nakorsat anniarunnaamissutaasinnaasumik katsorsaanissamik neqeroorsin-naapput. Anniarunnaamisitsiniarluni katsorsaaneq ajorunnaassutaaneq ajorpoq, kisianni inuuneq sivitsorneqarsinnaavoq pitsaanerulersinneqarlunilu. Ima paasillugu, inuit ilaat anigorsinnaanngisamik kræftimik nappaateqartarmata.

Kemoterapiimik anniarunnaamisitsiniarluni katsorsaaneq

Qinngortaalluni katsorsaanikkut imaluunniit pilattaanikkut nappaat peerneqarsinnaanngippat, nakorsap kemoterapi atorlugu anniarunnaamisitsiniarluni katsorsaanissamik siunnersuuteqartarpooq. Kemoterapi sananeqaatinik toqoraat atorlugu nakorsaammik katsorsaalluni atorneqartarpooq, taannalu kræftip sananeqaataanik aserorterisarpooq. Tarajulersuutikkut iisartakkatut kemortissaatit, taamaalilluni nakorsaat timinnut tamarmut ingerlaartinne-qassalluni. Taama iliornikkut nakorsaatip kræfti sananeqaataa timimut allamut siaruaassiminasinnaasoq aamma tikissinnaavaa.

Kemortinnermi saniatigut sunniutaasartut

Kemortinnermi saniatigut sunniutaasartut nalinginnaanersaasa ilagaat meriannguneq, meriartarnerit, qasoqqaneq, kajuumiinneq, nutsanillu katagaa-neq. Saniatigut sunniutaasartunut apeqqutaasarpooq nakorsaat sorleq atornerit. Katsorsartinneq naammassigaangat saniatigut sunniutaasartut pee-rueteqqittarput, nutsallu naaqqittarlutik.





Sooruna toqquusaakkut kræfteqalersoqartartoq?

Ilisimatusartut torlukkut kræfteqalertarnermut pissutaasut tamakkerlugit ilisimasqarfingilaat. Kisianni pujortartarneq peqqutaasunut pingaarnersaavoq. Pujortarnikkut imigassartarnikkullu nappatigilikajunneqarnerusartoq. Taakku marluutillugit ajoqusiisinnaanerat sakkortunerulerarami.

Siusinnerusukkut inuit torlummik nalaatigut qinngortartillutik katsorsarneqarsimasut, torlummikkut kræfteqalernissaasa aarlerinaataat annertune-rulaartarpoq.

Nammineerlunga qanoq iliorsinnaavunga?

Kræftimik napparsimasorpassuit nammineerlutik iliuuseqarnissartik ujartortar-
paat. Nerisatigut, timikkut sammisat, tupu imigassarlu, iliuuseqarfiusinnaapput.

Nerisat timikkullu sammisat

Kræftimik napparsimasut sanigukkajuttarput. Piffissap ilaani illigisaqannginneq
nuanniilliuutigisaramikku, meriannguneq, iisiniarnermikkut ajornakusoortitsi-
neq, allallu naat inalukkallu aqqutaasigut ajornartorsiutit. Inunnit nappaate-
qanngitsuninngarnit peqqinnarnerusunik nerinerusariaqartarput, ima paasil-
lugu nerisassat protein-neqarnerusut orsoqarnerusullu pinerusariaqaramikkit.
Nakorsaq peqqissaasorluunniit siunnersorneqarnissannik aperikkit.

Katsorsartinnerup nalaani kingornalu timikkut sammisaqartarneq amer-
lasuunit assorsuaq nuannaarutigineqartarpooq, timikkut tarnimikkullu iluaallat-
sitsinerusutut misigisimalersaramik. Qanoq iliorsinnaaninnik suullu sammissa-
gukkit pitsausherusoq nakorsarisat oqaloqatigiuk.

www.cancer.dk/madtilkraeftpatienter (kræfteqarlutik napparsimasunut
nerisassat) aamma www.cancer.dk/motiongavner (Aalarneq iluaqutaavoq)



Pujortartarpit?

Torlukkut kræfteqaruit pujortartarlutillu, ajunnginnerussaaq pujortartarun-
naaruit. Pujortartaruit katsorsartinninnut sunniuteqarsinnaavoq, taamaalluni
pilatsinninni qinngortartillutillu katsorsartinninni nappaatip allatut pissuseq-
lerneranik arlaqartunik pisoqarsinnaalluni. Aamma pilatsereernerpit kingorna
ikivit maminniarnerani ajornakusoortitsinerussaaq. Pujortartarneq pissutaal-
luni ullaani arlalinni peqqinnissaqfimmi uninngasinnaavutit, tassani nappaatip
allatut pissuseqalernera pissutaalluni.

Qinngortartilluni katsorsaaneq pujortartanngikkuit sunniulluarnerussaaq

Pujortartanngikkuit pilatsereernerup kingorna titmit peqqissiartorluarnerussaaq.
Peqqinnissamut qullersaqrifup pilatsinnginnermi sap. ak. arfinilinnit, arfineq-
pingasut siqqullugit pujortarunnaarnissaq innersuussutigaa. Pilatsereernerpit
kingorna sap. ak. arfineq-pingasut, aqqaneq-marllullu pujortassanngilatit, kisi-
anni pujortartaleqqinngilluinnarnissaq pitsaasherpaassaaq. Iluaqutaanavian-
ngilaq pujortartarneq annikillisikkaluaraanni. Pujortarunnaavittariaqarputit.
Pujortartanngikkuit qinngortartinnerit aamma sunniuteqarluarnerussaaq.

Pujortarunnaarnissannut ikiorneqarusuppit?

Pujortarunnaarniarneq sapernartarpooq. Pingaartumik napparsimaleruttornerup nalaani. Kræftimut akiuniartut piffissami 2008-2009 ilangullugu misilummik napparsimasunut katsorsartittunut pujortarunnaarnissamut ikiuinarluni neqeroorateqarpoq. Oqarasuaatikkut namminerluunniit ornigunnikkut pissariineqarsinnaallutik.

www.cancer.dk/tobak atuaruk



Pujortarunnaarnissannut akeqanngitsunik atortussannik pisinnaavutit, aamma Stoplinie-mi pujortarunnaarnissannut siunnersorneqarsinnaallutit, oqarasuaat +45 80 31 31 31-imut sianerluitit. Kommunet arlallit aamma nakorsaataasivit pujortarunnaarniarnermut neqeroorateqartarpuit.

Imigassartorpallaarpit?

Inuit imigassamik annertuallaamik atuisut pilatsinnerminni nappaammik allatut pissuseqalertarnernik amerlanerusunik peqalersarput, assersuutigalugu ase-ruutternit, uummatikkut aamma puakkut ajornartorsiuteqalernerit, kiisalu aanaalernissamut aarlerinaatit annertunerulerneri aamma ikit allatut pissuseqalersinnaallutik. Inunnit imigassartunnginnerusunit sivisunerusumik uninngatinneqartarput. Innersuussutigineqarpoq katsorsartinnerup kingorna imigassamik imerpallaannginnissaq, tassalu killissarititaasunik qaanginaveersaarnissaq.

Imigassartarnerup allanngortinnissaanut ikiorneqarusuppit?

Imigassartarnerpit allanngortinnissaanut ikiorneqarnissat pisariaqartikkukku, taava katsorsarneqannginninni peqqinnissaqarfipuq nakorsavilluunniit siunnersorlutit tapersorsorlutilluunniit ikorsinnaavaatit. Aamma paasissutissat siunnersuutillu pissarsiarisinnaavatit uani: www.hope.dk imaluunniit ALKOliniemut oqarasuaat +45 80 33 06 10-mut sianerluitit, taakku akeqanngitsumik ki-naassutsimillu isertuussillutik oqarasuaatikkut siunnersorsinnaavaatsit aamma imigassamik ajornartorsiuteqarninnik qaangiiniarninni tapersorsorsinnaavaatsit.

Peqqinnissamut qullersaqarfip imigassat amerlassusissaannik innersuussutigisai

- Arnanut sap. ak. annerpaamik immiaaqqat arfineq-marlk
- Angutinut sap. ak. annerpaamik immiaaqqat 14-it
- Annerpaamik tulleriissillugit imigassat tallimat



Suut allat aamma atuarsinnaavakka?

Kræftimik nappaateqartunut atatillugu atuagaaqqanik atuarlugit iluaqutaasin-naasunik Kræftimut Akiuniartut aralinnik saqqummersitsinikuupput.

'Kræfteqalerpunga – qanoq iliorsinnaavunga?'

'Qanigisaasutut inuuneq – kræfteqarluni napparsimasup saniani'

'Kræftimik nappaateqartutut pisinnaatitaaffitit'

'Kræfti atoqatigiinnerlu'

'Timimik misiliuteqarnerit'

'Nakorsaq aperiuk'

**'Periaatsit ilisimatusarnikkut akuerisaanngitsut atorlugit
katsorsartinnissat eqqarsaatigaajuk?'**

'Ataata suna nappaatigaajuk?

(Atuagaaraq angajoqqaanut saaffiginnissuteqarpoq, aamma anaanamut).

Atuagaaqqat www.cancer.dk/webshop imaluunniit oqarasuaat +45 35 25 71 00 attavigalugit inniminnerneqarsinnaapput.

Aamma internettimi nappaatit pillugu annertunerusumik atuarsinnaavutit. Kræftimut Akiuniartut nittartagaanni www.cancer.dk aamma katsorsartinneq, ilagisat, pinaveersaartitsineq ilisimatusarnerlu pilligit paassisutissanik tamanik peqarpoq. Ammattaaq kræftimik napparsimasut allat qarasaasiakkut chatteqatiginissaannut periarfissaqarpoq www.cancer.dk/debat

Nunani allani nittartakkat

CancerBACKUP Europami kræfti pillugu paassisutissiisartutut nittartagaa siuarsimanerpaanut ilaavoq: www.cancerbackup.org

National Cancer Institute (NCI) amerikami peqqinnissaqarfiup ministeeriaata kræftimut suliniaqatigiiffissuaraa: www.cancer.gov

Sumi siunnersorneqarnissannik ikiorneqarsinnaavunga?

Neriuffit Kattuffiat

Kræftimut akiuiniarluni suliniaqatigiiffik, Neriuffik Kalaallit Nunaanni sumiiffinni amerlasuuni immikkoortortaqartaqarfeqarpoq. Ilinnut qaninnerpaaq sumiin-nersoq qanorlu saaffigineqarsinnaanersoq pillugu napparsimmavimmi sulisunut nakorsamullu paasiniarsinnaavat. Imaluunniit Neriuffiup Kattuffia Nuummiittooq saaffigisinjaavat uunga:

Neriuffit Kattuffiat

Postboks 1546

Aqqusinersuaq 48

3900 Nuuk

Oqarasuaat: **+299 49 04 89**

Fax: **+299 31 25 04**

E-mail **neriuffik@green.net.gl**

Internet-ikut nittartagaq **www.neriuffik.gl**

Kræftimut akiuiniartut nuna tamakkerlugu illoqarfinni assigiinngitsuni kræfti pillugu siunnersuisarpoq. Tassunga sianernikkut namminerluunniit takkullutit siunnersorneqarsinnaavutit. **www.cancer.dk**-mi siunnersorneqarsinnaavutit ilitsorsorneqarlutilluunniit, imaluunniit kræftliniemut sianernikkut. Kræftimut akiuiniartut kræftimik napparsimasunut ilaquaanullu oqarasuaatikkut siunner-suisarfigaat, sianernerlu akeqanngilaq.

Kræfteqarlutik napparsimasunut attaveqarfiiit kræfti pillugu siunnersuisar-tut København-imiittut aqqutigalugit oqarasuaat +45 35 25 77 00-imut attavi-gineqarsinnaapput, imaluunniit nittartagaq:

www.cancer.dk/patientforeninger attavigalugu.

Oqarasuaatikkut siunnersuisarfiup Kræftliniep ammasarfii

Ulluinnarni: 9.00-21.00

Arfininngorneq-Sapaat: 12.00-17.00

Nalliuuttuni matoqqasarloq

Oqarasuaat: +45 80 30 10 30

Kræfti pillugu siunnersuisarfíit

Kræfti pillugu siunnersuisarfík ilinnut qaninnej uani nassaarisinnaavat www.cancer.dk/kraeftraadgivninger imaluunniit Kræftimut akiuniartut nut sianerlutit oqarasuaat +45 35 25 75 00.

Dansk Landsforening for Laryngectomerede (DLFL)

Peqatigiiffik torloqanngitsunut saaffiginnissuteqarpoq Laryngectomeertut, ilaannakortumillu laryngectomiiilinnut (hemilaryngectomerede), qarnup iluani pilatsinnikunut, aamma ataavartumik tracheostomerede (kapuutilin-nut).

Peqatigiiffik pilatsinnermut aamma peqqissarnermut atatillugu ilitser-suillunilu siunnersuisarpoq, aammalu innarluuteqalersimasunut malitsigisaannullu ilisimasat siammerternissaat peqataaffigalugit, taassuma ataani katsorsaariaatsit. Tamatuma saniatigut peqatigiiffiup pilatsissimasut akornanni attaveqatigiinneq isumagisaraa, taamaallutik ulluinnarmi inuunerminni attaveqarnerat ingerlaannarniassammat.

Strandboulevarden 49, bygning 1, stuen, 2100 København Ø

Tlf.: +45 35 25 74 24, dlfl@dlfl.dk

Nammineq takkulluni saaffiginnittunut ammasarpoq ataasinngornermi nal. 11-14. akornanni.

Piginnaanngorsaqqittarfík Dallund (RehabiliteringsCenter Dallund)

Piginnaanngorsaqqittarfímmi Dalund-imi kræfteqarlutik napparsimasut pikkorissariarnissaminnut periarfissaqarput, aammalu sunniivigineqarsinnaallutik, nappaateqareernermillu kingorna ingerlariaqqinnissaminnut nukissanik nutaanik aallerfigisinnaallugu. Aamma ilisimatusarnikkut ingerlatsiviuvooq, piginnaanngorsaqqinnermut tunngasunik ilisimalikkanik nutaanik tigooqqaa-sunik. Dallund-imi najugaqarnissannut najukkat aqqutigalugu qinnuteqarsin-naavutit.

Dallundsvej 63, 5471 Søndersø, Tlf.: +45 64 89 11 34,

E-mail: dallund@dallund.dk


www.cancer.dk/dallund

Torluk

Toqqusaak qungatsip saavata tungaaniippoq, aninganeqarlunilu, "qooqqaq". Qungatsimi nerisat aqquaasa saavani torluk inissisimavoq. Torlummi nipi pilersinneqartarpooq, tassani nipiliuutit immata. Torluk aamma torlummut isaa-riaavoq. Nerigaangatta torluup matuata torluk matusarpaa, taamaalilluni ne-risassat imikkallu torlummut pinissaralui pinngitsoortinneqartarput.

Ukiut tamaasa qallunaat 230-it missaaniittut torlummikkut kræfteqarnertik paasisarpaat. 80-85 procentii angutaapput. Nappaat pisoqaassutsini tamani nassaassaasarpooq, tassalu 25-init 80-inut ukiulinni nappaatigineqartarluni, amerlanerilli nappaammik suussusersisut 55-it 75-illu akornanni uki-oqartarlutik. Torlukkut kræfti nalinginnaalerataluttuinarpoq. Ukiut 20-it matu-ma siornanit torlukkut kræfteqartartut maanna marloriaatinngornikuullutik.

Ukiut tamaasa napparsimasut 35-it missaaniittut torluminnik pilatsillutik peersitsivigineqartarput.





Neriuffiit Kattuffiat

Postboks 1546
Aqqusinersuaq 48
3900 Nuuk

Tlf. +299 49 04 89
Fax: +299 31 25 04

neriuffik@greennet.gl
www.neriuffik.gl

